

吉祥

第十五課

山本先生喺香港嘅生活



A. 會話1

山本先生一家人嚟咗香港年幾嘞。最初佢唔習慣呢度嘅生活，但係慢慢就習慣咗嘞。木村小姐嚟咗香港大學讀書已經差唔多兩年，佢好滿意佢而家嘅生活。以下就係佢哋係過去年幾裏邊嘅一啲生活鎖事。

1. 晒相

山本：唔該我想要一筒菲林。

店員：要幾多張架？

山本：三十六張嘅。另外我想晒啲相。

店員：晒幾多筒呀？同埋晒幾大呀？

山本：呢六筒晒三R夠喇。

店員：影咗咁多相，係唔係去旅行呀？

山本：係呀。而且我太太又好鐘意映相。

店員：你太太一定係好靚嘅嘞。

A. 會話2

吉祥樓

II. 搭的士

木村：唔該你經花園道去香港大學呀。

司機：大學門口定係轉入去呀？

木村：門口得喇，唔洗轉入去嘞。

司機：好呃。呀小姐，本來我唔想講嘅，不過你個樣真係好似前一排自殺死咗嗰個電視明星喎。

木村：係呀，好多人都咁講，真係弊嘞。

III. 喺花店

山本：你哋呢度啲花插得好靚喎。你一定係學過插花嘞。

店員：學過一陣啫。喺日本跟先生學咗幾個月。太太呢？

山本：我好細嗰時已經開始學嘅喇，差唔多學咗十幾年喇。

店員：真係好嘞，不如你教我啦。我交唔倒好貴學費，但係可以送花俾你呀！

A. 會話3

吉祥如意

IV. 喺公司

山本：自從“一九九七”年問題解決咗之後，香港又好似以前一樣咁繁榮嘞。

王生：係呀。香港人適應力強，擔心咗兩年，而家又咩嘢都唔怕喇。

山本：最近股市升得好犀利，地產又好轉，工商業前景都好，真係希望香港從此安定繁榮嘞。

王生：咁我哋就可以加多啲人工啦！



B. 單詞 1

吉祥慶

1. 生活
2. 一家人
3. 年幾
4. 起初
5. 習慣
6. 慢慢
7. 滿意
8. 以下
9. 過去
10. 一啲

11. 鎖事
12. 晒相
13. ~筒
14. 店員
15. 菲林
16. 另外
17. 映相
18. 經
19. 司機
20. 花園道



B. 單詞2

吉祥如意

21. 門口

22. 轉入~

23. 轉

24. 呃

25. 樣

26. 自殺

27. 死

28. 明星

29. 咁V

30. 弊嘞

31. 插

32. 跟

33. 開始

34. 不如

35. 交~

36. 學費

37. 自從~之後

38. 解決

39. 好似~一樣咁~

40. 繁榮



B. 單詞3

41. 適應力

42. 強

43. 擔心

44. 咩嘢都~

45. 咩嘢都唔~

46. 股市

47. 升

48. 犀利

49. 地產

50. 好轉

51. 工商業

52. 前景

53. 從此

54. 安定

55. 電器用品

56. 相機

57. 錄音機

58. 唱機

59. 風筒

60. 錄影機



B. 單詞4

吉祥樓

61. 洗衣機

62. 電飯煲

63. 焗爐

64. 除濕機

65. 大道中

66. 德輔道

67. 軒尼詩道

68. 天星碼頭

69. 合和中心

70. 赤柱

71. 崇光百貨公司

72. 港澳碼頭

73. ~ 站

74. 文華酒店

75. 柏寧酒店

76. 怡東酒店

77. 半島酒店

78. 草

79. 樹

80. 樹葉

81. 樹枝

82. 玫瑰

83. 康乃馨

84. 半打

85. 繼續

86. 豐富

87. 海底隧道

88. 一直

89. 轉彎

90. 笑

91. 信

92. 準

93. 電影

吉祥樓

吉祥樓

吉祥樓

C. 語言和文化

吉祥慶

電器制品

- a. 電器用品
- b. 相機
- c. 錄音機
- d. 唱機
- e. 冷氣
- f. 風筒
- g. 電視機
- h. 錄影機
- i. 洗衣機
- j. 雪櫃
- k. 電飯煲
- l. 焗爐
- m. 除濕機

n. 收音機



C. 語言和文化



街, 道路

- a. 大道中
- b. 德輔道
- c. 花園道
- d. 軒尼詩道

目的地

- | | |
|-----------|---------|
| a. 天星碼頭 | g. 港澳碼頭 |
| b. 合和中心 | h. 地鐵站 |
| c. 山頂 | i. 文華酒店 |
| d. 香港大學 | j. 柏寧酒店 |
| e. 赤柱 | k. 怡東酒店 |
| f. 崇光百貨公司 | l. 半島酒店 |



C. 語言和文化

吉祥慶

植物

- a. 花
- b. 草
- c. 樹
- d. 樹葉
- e. 樹枝
- f. 玫瑰
- g. 康乃馨



D. 句子 1



(1) 慢慢 V, 慢慢就 V

- a. 慢慢 (食啦, 行啦, 做啦, 洗啦)
- b. 佢話自己冇語言天份, 所以慢慢學廣東話。
- c. 最初我唔覺得佢係好人, 但係慢慢就知道嘞。
- d. 香港嘅生活好忙, 唔習慣嘅人一定唔鐘意喺呢度住, 但係慢慢習慣咗就會鐘意嘅嘞。

(2) 另外

- a. 我想要半打玫瑰, 另外要三枝康乃馨。
- b. 佢有一個好靚嘅太太, 另外重有幾個女朋友。
- c. 我屋企有好多日本嘅電器用品, 譬如洗衣機啦, 冷氣啦, 重要電飯煲啦咁, 另外電視機同錄影機都係。
- d. 木村小姐好細個時已經讀中文嘅嘞。另外, 嚟咗香港之後又喺大學繼續讀, 所以講得咁好。
- e. 呢餐好豐富, 有魚, 有蝦, 另外重有大蟹。



D. 句子2

吉祥樓

(3) 經～去

- a. 個架飛機經台北去東京。
- b. 唔該你經海底隧道去尖沙咀東部呀。
- c. 請問(呢架小巴)經唔經合和中心呀?
- d. 唔該你經中環地鐵站去天星碼頭呀。
- e. 呢架飛機係唔係經東京去三藩市架?

(4) 轉～

- a. 轉(入去、出去、左邊、右邊)
- b. 請問文華酒店點去呀? 由呢度一直行, 然後轉右, 就係嘞。
- c. 唔該你轉左, 然後喺華都酒店前邊停呀。
- d. 唔洗轉彎, 一直去啦。
- e. 唔該喺呢度轉入去啦。

吉祥樓

D. 句子3



(5) 咁V

- a. 咁(做、睇、去、笑、煮)
- b. 佢話要咁做，所以冇辦法啦。
- c. 呢個字唔係咁讀架，我教你啦。
- d. 佢咁講，不過我唔信。

(6) 跟NV

- a. 個仔想跟爸爸去返工，爸爸唔準。
- b. 你哋跟我讀第十五課呀。
- c. 先生，我唔識寫呢個中文字呀。唔緊要，你跟我寫幾次啦。
- d. 安田太太唔想跟佢先生嚟香港，但係冇辦法。



D. 句子4



(7) 自從～之後

- a. 自從嚟咗香港之後，我太太每個月都打一次電話返日本。
- b. 自從公司嚟咗一個新嘅女職員之後，啲男同事做嘢都特別開心咁樣。
- c. 自從佢阿爺死咗之後，佢一直都好唔開心。
- d. 佢自從大學畢業之後，一直都有嘢做。

(8) 好似～(一樣)咁A

- a. 嗰個日本人啲廣東話好似香港人一樣咁好。
- b. 冇見陳太咁多年，重係好似以前一樣咁後生。
- c. 佢今日重係好似尋日一樣咁嬲。



D. 句子5

(9) Q都

- a. (咩嘢、邊度、邊個、幾時、點)都
- b. (咩嘢、邊度、邊個、幾時、點)都唔
- c. 尋日網球比賽, 打得好癢, 今日邊度都唔想去喇。
- d. 佢而家差唔多係全香港最出名嘅女明星。邊個都(個個都)識佢嘅。
- e. 你幾時可以同我去澳門旅行呀? 幾時都得。

(10) 犀利

- a. 佢太太係一個好犀利嘅女人。
- b. 呢個人啲哥爾夫球好犀利。
- c. 佢啲屋企人同朋友都好擔心, 因為佢病得好犀利。
- d. 啲車迫得好犀利。邊度都迫得好犀利。
佢黐得好犀利。
笑得好犀利。

練習

吉祥慶

- a. 你屋企有咩嘢電器用品呀？
- b. 香港嘅電影同電視明星之中，你最鐘意邊個呀？
- c. 你平日返工，多數經邊條路呀？
- d. 你喺香港跟邊個先生學廣東話呀？
- e. 你同你屋企人去旅行個時，多唔多映相呀？邊個映得最多呀？
- f. 自從嚟咗香港之後，生活方面同喺日本有咩嘢唔同呀？
- g. 讀完呢本廣東話書之後，你會唔會繼續讀廣東話呀？如果會嘅話，喺邊度讀呀？
- h. 你覺得廣東話點呀？係唔係好難呀？定係好容易呀？

